



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Nezavisni odbor

Broj: 01-04-24-1-1 /26

Sarajevo, 17.02.2026. godine

SKUPŠTINA KANTONA SARAJEVO

OVDJE

PREDMET: Izvještaj o radu Nezavisnog odbora za period januar-juni 2025. godine - dostavlja se;

Nezavisni odbor na sjednici održanoj dana 17.02.2026. godine razmatrao je Izvještaj o radu Nezavisnog odbora za period januar-juni 2025. godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, na razmatranje.



PREDSJEDAVAJUĆI NEZAVISNOG ODBORA



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22- Ispravka i 47/24), Skupština Kantona Sarajevo na sjednici održanoj dana _____ godine, donijela je sljedeći

ZAKLJUČAK

Usvaja se Izvještaj o radu Nezavisnog odbora za period januar-juni 2025. godine.

Broj: 01-04-_____/26
Sarajevo, __. __. 2026. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

IZVJEŠTAJ
o radu Nezavisnog odbora za period januar-juni 2025. godine

Sarajevo, februar 2026. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19, 31/19 i 39/20) i člana 8. stav 9. Poslovnika o radu Nezavisnog odbora („Službene novine Kantona Sarajevo“, br.: 13/22), Nezavisni odbor na sjednici održanoj dana 17.02.2026. godine, Skupštini Kantona Sarajevo, podnosi;

I Z V J E Š T A J **o radu Nezavisnog odbora za period januar-juni 2025. godine**

I - Uvod

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj: 01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu januar-juni 2025. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.

II – Normativni dio

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka i iste razmatrao, sačinjavao i druge akte iz svoje nadležnosti, te redovno obavještavao javnost o svom radu.

III - Tematski dio

Tokom izvještajnog perioda, Nezavisni odbor je održao 6 redovnih sjednica.

Z A P I S N I K

sa 37. sjednice Nezavisnog odbora, održane dana 29.01.2025. godine, sa početkom rada u 17:00 sati, u prostorijama Skupštine Kantona Sarajevo

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Kenan Kapo, Mineta Hrvat, Branislav Bunjevac, Mensud Cibra i Jasmin Idrizović.

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 36. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec decembar 2024.godine;
3. Informacija o aktivnostima Uprave policije MUP-a Kantona Sarajevo za vremenski period januar-decembar 2024.godine;
4. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. oktobar- 31. decembar 2024.godine;
5. Razno.

Članovi Nezavisnog odbora su jednoglasno usvojili Dnevni red (7/7).

Nakon što je konstatovano da je na sjednici prisutno (7/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 36. sjednice Nezavisnog odbora

Predsjedavajući Adis Šečić je iznio primjedbu na navedeni Zapisnik i to u tački 5. - Razmatranje zahtjeva Almira Pašića, a nakon što su primjedbe jednoglasno prihvaćene stavio je na glasanje prijedlog o usvajanju Zapisnika sa 36. sjednice Nezavisnog odbora koja je održana 27.12.2024.godine, te je konstatovao da je Zapisnik sa 35. sjednice Nezavisnog odbora jednoglasno usvojen (7/7).

U 17:25 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec decembar 2024.godine

Policijski komesar je prezentirajući Informaciju o aktivnostima Uprave policije MUP Kantona Sarajevo za mjesec decembar 2024. godine istakao da je u navedenom mjesecu registrovano 311 događaja sa obilježjem krivičnog djela, dok je u istom mjesecu 2023. godine registrovano 318 događaja. U decembru 2024. godine, u odnosu na isti period 2023.godine evidentiran je manji broj događaja sa obilježjem krivičnog djela iz oblasti: protiv života i tijela, protiv zdravlja ljudi, protiv imovine, protiv javnog reda i pravnog prometa, dok je evidentirano više događaja sa obilježjem krivičnog djela iz oblasti: protiv slobode i prava čovjeka i građanina, protiv braka, porodice i mladeži, protiv opće sigurnosti ljudi i imovine. U izvještajnom mjesecu 2024. godine, u odnosu na isti mjesec 2023. godine evidentiran je isti broj događaja sa obilježjem krivičnog djela iz oblasti protiv spolne slobode i morala. Što se tiče događaja sa obilježjem krivičnog djela u kojima su učestvovala maloljetna lica, u decembru 2024. godine, u odnosu na isti mjesec prethodne godine, povećan je broj događaja u kojima su učestvovala maloljetna lica, kao i broj maloljetnih lica koja su učestvovala u istim. U izvještajnom periodu, u odnosu na isti period 2023. godine, evidentiran je isti broj događaja aktiviranja minsko-eksplozivnih sredstava. U toku decembra 2024. godine evidentirane su 34 anonimne dojave o postavljenim eksplozivnim napravama. U decembru 2024. godine registrovano je osam požara, što je za jedan manje nego u istom mjesecu prethodne godine. Iz oblasti javnog reda i mira u decembru 2024.godine evidentirano je 666 prekršaja, što je za 226 ili 51,4 % više u odnosu na isti period 2023. godine. Na području Kantona Sarajevo u izvještajnom mjesecu, u odnosu na isti mjesec 2023. godine registrovano je više saobraćajnih nezgoda za 38,5%. U mjesecu decembru oduzeto je 33 motornih vozila od višestrukih povratnika u činjenju prekršaja iz oblasti ZOOPS-a.

Na pitanje Nezavisnog odbora vezano za povećanje broja događaja sa obilježjem krivičnog djela anonimne dojave o postavljenim eksplozivnim napravama policijski komesar Fatmir Hajdarević je odgovorio da se radi o dojavama u školama i većina je rasvijetljena. Anonimne dojave do prouzrokovale povećan broj događaja sa obilježjem krivičnog djela u kojim su učestvovala maloljetna lica, kao i broj maloljetnih lica koji su učestvovali u istim. Također je, iz istog razloga, povećan broj KDZ pregleda.

Nezavisni odbor je Policijskom komesaru postavio pitanje da li je izvršena analiza razloga značajnog povećanja saobraćajnih nesreća na području Općine Ilidža, te kako su uspjeli obraditi više od 40.000 prekršajnih naloga.

Na postavljena pitanja Policijski komesar je odgovorio da su prilikom saobraćajnih nezgoda počeli primjenjivati Evropski izvještaj, te da je u decembru 2024. godine Uprava policije uvela prekovremeni rad, te su uspjeli popuniti više od 40.000 prekršajnih naloga.



Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec decembar 2024.godine.

AD-3.-Informacija o aktivnostima Uprave policije MUP-a Kantona Sarajevo za vremenski period januar-decembar 2024.godine

Nezavisni odbor se složio da nema potrebe da Policijski komesar izlaže navedenu informaciju, s obzirom da je u prethodnom periodu izlagao informacije o aktivnostima Uprave policije MUP-a Kantona Sarajevo za svaki mjesec pojedinačno.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za vremenski period januar-decembar 2024.godine.

AD-4.- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. oktobar- 31. decembar 2024.godine

Nakon uvodnih napomena po Izvještaju o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. oktobar- 31. decembar 2024. godine uslijedila su pitanja članova Nezavisnog odbora.

Nezavisni odbor je postavio pitanje vezano za trend anonimnih dojava o postavljenim bombama i da li je nešto poduzeto na koordinaciji sa drugim sektorima.

Policijski komesar Fatmir Hajdarević je odgovorio da je Vlada formirala tijelo koje je donijelo Protokol za krizno postupanje prilikom dojava bombe u školama. Dosta se pošiljalaca anonimnih dojava o postavljenim bombama rasvijetlilo uz asistenciju pomoću OSA BiH i FUP-a.

Na pitanje Nezavisnog odbora zašto nisu održani stručni kolegiji u decembru 2024.godine, Policijski komesar je odgovorio da nije bilo potrebe za stručnim kolegijima, zadaci su pred Novu godinu podijeljeni. Dalje je Nezavisni odbor zatražio od Policijskog komesara da obrazloži dio Izvještaja koji se tiče javnih okupljanja, odnosno sačinjavanja cjelovite analize u vezi s provedenim mjerama i radnjama prilikom vršenja osiguranja.

Policijski komesar je odgovorio da se rade stalne analize kako bi se pratilo gdje su okupljanja. Istakao je da Evropa traži da se omoguće okupljanja gdje građani žele, ali Uprava policije traži da se okupljanja najave i da postoje redari.

Nezavisni odbor je dalje komentarisao navode u tački 6. Ostali poslovi i aktivnosti policijskog komesara, gdje je naveo da je poduzimao sve mjere i radnje uvažavajući između ostalog prioritete date od strane Vlade Kantona Sarajeva, te je pitao komesara da li je Uprava policije dobila kakve prioritete od Vlade. U istoj tački Izvještaja navedeno kao da je policijski komesar sam sebi donio rješenje za prekovremene sate, te je postavio pitanje ko komesaru donosi navedeno rješenje. Također je ukazano na neke od tehničkih grešaka u Izvještaju.

Policijski komesar je odgovorio da Uprava policije MUP-a Kantona Sarajevo nije dobila od strane Vlade prioritete. Što se tiče rješenja za njegove prekovremene sate odgovorio je da rješenje donosi ministar unutrašnjih poslova, ali služba koja je u sastavu Uprave policije izrađuje rješenje.

Nezavisni odbor je jednoglasno prihvatio (7/7) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. oktobar - 31. decembar 2024.godine.

AD-5.- Razno

5.1. Razmatranje Urgencije Almira Pašića

Predsjedavajući Nezavisnog odbora Adis Šečić je prisutne informisao da je stigla Urgencija Almira Pašića koja se odnosi na zahtjev da mu Nezavisni odbor dostavi informaciju da li je Policijski komesar dostavio izjavu o svom imovinskom stanju, te da li je ista dostupna javnosti.

O navedenom zahtjevu diskutovali su prisutni, te je Nezavisni odbor zauzeo stav da se podnosiocu zahtjeva ne odgovara na pismeni zahtjev, dok Nezavisni odbor ne dobije autentično tumačenje člana 43. Zakona o unutrašnjim poslovima Kantona Sarajevo.

Predsjedavajući Adis Šečić je zaključio rad 37. sjednice Nezavisnog odbora u 17:56 sati.

ZAPISNIK

sa 38. sjednice Nezavisnog odbora održane dana 21.02.2025. godine, sa početkom rada u 17:00 sati, u prostorijama Skupštine Kantona Sarajevo

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Kenan Kapo, Mineta Hrvat, Branislav Bunjevac, Mensud Cibra i Jasmin Idrizović.

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 37. sjednice Nezavisnog odbora;
2. Prijedlog pismene ocjene policijskog komesara u Ministarstvu unutrašnjih poslova Kantona Sarajevo za 2024.godinu;
3. Razno.

Članovi Nezavisnog odbora su jednoglasno usvojili Dnevni red (7/7).

Nakon što je konstatovano da je na sjednici prisutno (7/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora,



Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 37. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 37. sjednice Nezavisnog odbora koja je održana 29.01.2025. godine, te je konstatovao da je Zapisnik sa 37. sjednice Nezavisnog odbora jednoglasno usvojen (7/7).

AD-2.- Prijedlog pismene ocjene policijskog komesara u Ministarstvu unutrašnjih poslova Kantona Sarajevo za 2024. godinu

Predsjedavajući Nezavisnog odbora Adis Šečić je citirao član 46. stav (1) Zakona o unutrašnjim poslovima koji regulišu da Nezavisni odbor donosi prijedlog godišnje pismene ocjene rada policijskog komesara prema ocjenama: “zadovoljava” ili “nezadovoljava”.

Nakon uvodnih napomena uslijedila su izlaganja članova Nezavisnog odbora, o tome kako su vidjeli rad policijskog komesara Uprave policije Ministarstvu unutrašnjih poslova Kantona Sarajevo Fatmira Hajdarevića u 2024. godini.

Diskusija i izlaganja su se odnosila na sveukupan rad i aktivnosti Policijskog komesara tokom čitave godine iz oblasti:

- Održavanje stručnih kolegija u Upravi policije
- Sačinjavanje izvještaja o radu Policijskog komesara po propisanoj Metodologiji
- Plan i program rada Uprave policije za 2024.g
- Izmjena Pravilnika u vezi body kamera i njihovoj zakonitoj upotrebi
- Evidencije o izricanju zaštitnih mjera iz Zakona o zaštiti od nasilja u porodici u F BiH
- Kadrovski kapaciteti u Upravi policije
- Osiguranje javnih skupova na području Kantona Sarajevo
- Odnos i način izvještavanja Policijskog komesara prema Nezavisnom odboru
- Rukovođenje i koordinacija u radu Uprave policije
- Rad Sektora kriminalističke policije u Upravi policije na rasvjetljavanju krivičnih djela
- Efikasnost u rasvjetljavanju najtežih krivičnih djela-ubistava
- Rezultati u nabavci materijalno-tehničkih sredstava
- Unapređenja policijskih službenika u svim činovima
- Kontinuitet u procesu zapošljavanja novih policijskih službenika
- Način izvještavanja javnosti o događajima koji su uznemirili javnost
- Unaprijeđenja procedure ocjenjivanja Policijskog komesara
- Provođenje sigurnosne politike koju utvrđuje Ministar u skladu sa zakonom.

Na kraju predsjedavajući Nezavisnog odbora je pozvao svakog člana da se izjasni kojom ocjenom ocjenjuje rad Policijskog komesara za 2024. godinu.

Nakon izjašnjavanja svih članova konstatovao je da je policijski komesar Fatmir Hajdarević jednoglasno (7/7) ocjenjen ocjenom “zadovoljava”.

AD-3.- Razno

Pod tačkom Razno članovi Nezavisnog odbora su pokrenuli pitanje načina pripreme izvještaja Nezavisnog odbora.

Nezavisni odbor se usaglasio da se u narednom periodu treba pozabaviti metodologijom sačinjavanja izvještaja o radu Nezavisnog odbora, odnosno da dosadašnji način sačinjavanja izvještaja treba mijenjati, a što će biti prioritetni zadatak Nezavisnog odbora prilikom sačinjavanja narednih šestomjesečnih izvještaja o radu.

Predsjedavajući Adis Šečić je zaključio rad 38. sjednice Nezavisnog odbora u 18:18 sati.

ZAPISNIK

sa 39. sjednice Nezavisnog odbora, održane dana 25.03.2025. godine, sa početkom rada u 16:30 sati, u prostorijama Skupštine Kantona Sarajevo

Sjednici prisustvuju članovi Nezavisnog odbora:

Zamjenik predsjedavajućeg: Esad Solak

Članovi: Mineta Hrvat (došla u 16:50 sati), Branislav Bunjevac, Mensud Cibra i Jasmin Idrizović.

Izostanak sa sjednice pravdali su: predsjedavajući Adis Šečić i član Kenan Kapo.

Zamjenik predsjedavajućeg Nezavisnog odbora Esad Solak, predložio je sljedeći:

DNEVNI RED

1. Usvajanje Zapisnika sa 38. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec januar 2025. godine;
3. Razmatranje stanja sigurnosti na području Kantona Sarajevo;
4. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Zamjenik predsjedavajućeg je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:



AD-1.- Usvajanje Zapisnika sa 38. sjednice Nezavisnog odbora

Zamjenik predsjedavajućeg Esad Solak stavio je na glasanje prijedlog o usvajanju Zapisnika sa 38. sjednice Nezavisnog odbora koja je održana 21.02.2025.godine, te je konstatovao da je Zapisnik sa 38. sjednice Nezavisnog odbora jednoglasno usvojen (5/5).

U 16:55 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec januar 2025.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec januar 2025. godine istakao da je u navedenom mjesecu registrovano 250 događaja sa obilježjem krivičnog djela, što je za 20,1 % manje u odnosu na isti mjesec 2024.godine. U januaru 2025. godine, u odnosu na isti period 2024. godine evidentiran je manji broj događaja sa obilježjem krivičnog djela iz oblasti: protiv života i tijela (manje za 5), protiv spolne slobode i morala, protiv braka, porodice i mladeži (manje za 4), protiv zdravlja i ljudi (38 manje), protiv imovine (manje 28), protiv opće sigurnosti ljudi i imovine (4 manje), dok je evidentirano više događaja sa obilježjem krivičnog djela: protiv slobode i prava čovjeka i građanina (10 više), protiv javnog reda i pravnog prometa (11 više), regulisani Zakonom o nabavljanju, držanju i nošenju oružja i municije Kantona Sarajevo (5 više). Što se tiče događaja sa obilježjem krivičnog djela u kojima su učestvovala maloljetna lica, u mjesecu januaru 2025.godine, u odnosu na isti mjesec prethodne godine povećan je broj događaja u kojima su učestvovala maloljetna lica, kao i broj maloljetnih lica koja su učestvovala u istim. U izvještajnom mjesecu evidentirana su tri događaja aktiviranja minsko-eksplozivnih sredstava, dok je u januaru 2024.godine evidentiran jedan događaj. U toku januara 2025.godine evidentirano je šest anonimnih dojava o postavljenim eksplozivnim napravama, dok u istom mjesecu 2024.godine nije bilo dojava. U izvještajnom mjesecu, na području Kantona Sarajevo registrovano je 11 požara, što je za dva manje u odnosu na januar 2024.godine. U januaru 2025.godine na području Kantona Sarajevo registrovana su četiri samoubistva, što je za tri više u odnosu na isti mjesec prethodne godine. Iz oblasti javnog reda i mira evidentirano je 498 prekršaja, što je za 111 više u odnosu na isti mjesec 2024. godine, te je prijavljeno 511 lica, od čega su 152 povratnika u činjenju prekršaja. U januaru 2025.godine, na području Kantona Sarajevo, održano je 109 javnih skupova i izvršena su 32 KDZ osiguranja. Na području Kantona Sarajevo u izvještajnom mjesecu, u odnosu na isti mjesec 2024.godine registrovano je više saobraćajnih nezgoda za 19 %. U mjesecu decembru oduzeto je 26 motornih vozila od višestrukih povratnika u činjenju prekršaja iz oblasti ZOOPS-a.

Nezavisni odbor je pohvalio pristupak Uprave policije za rasvjetljavanje događaja sa obilježjem krivičnih djela.

Nezavisni odbor je postavio pitanje vezano za nedavni događaj silovanja, odnosno da li je Policijski komesar ispitao da li je ranije od strane silovane osobe bilo prijava. Zatim je postavio pitanje vezano za aktiviranje minsko-eksplozivnih naprava na ugostiteljski objekat na području Općine Ilidža. Nejasno je kako je nepoznata starosna dob nastradalih lica u saobraćajnim nezgodama.

Policijski komesar je odgovorio na postavljena pitanja. Što se tiče događaja silovanja dato je Unutrašnjoj kontroli da sve provjeri. Radi se na dokazivanju aktiviranja minsko-eksplozivnih naprava. Nastradala lica u saobraćajnim nezgodama kod kojih nema dokumenata, starosna dob se evidentira kao nepoznata.

Zamjenik predsjedavajućeg Nezavisnog odbora je sugerisao Policijskom komesaru da se u Informaciji navede razlog zašto je nepoznata starosna struktura.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec januar 2025. godine.

AD-3.-Razmatranje stanja sigurnosti na području Kantona Sarajevo

Policijski komesar Fatmir Hajdarević je na početku istakao da je sigurnosna situacija u Kantonu Sarajevo usko vezana za Istočno Sarajevo. Mišljenja je da je sigurnosna situacija na zadovoljavajućem nivou. U nastavku svoje diskusije je govorio o trenutnoj kapacitiranosti policije u ljudstvu i materijalno-tehničkim sredstvima, kao i koja je oprema nabavljena i čija se isporuka očekuje i šta se planira nabaviti.

Na pitanje Nezavisnog odbora da li su policijski službenici upoznati sa centralnom potjernicom za čelnicima Republike Srpske, Policijski komesar je odgovorio da su svi upoznati i da su navedeni podaci zavedeni u sistem potraga.

U nastavku diskusije Nezavisni odbor je istakao da je važno da policijski službenici budu educirani kako da reaguju u slučaju da se tražene osobe pojave.

Na pitanje Nezavisnog odbora da li je bilo uzimanja bolovanja od strane policijskih službenika koji dolaze iz Republike Srpske, Policijski komesar je odgovorio da je jedino bilo zahtjeva za izdavanje uvjerenja o kretanju u službi od strane pet uposlenika.

Zamjenik predsjedavajućeg Nezavisnog odbora istakao je kako se sad vidi koliko je opravdana bila nabavka opreme u prošloj godini.

U nastavku su članovi Nezavisnog odbora i Policijski komesar su govorili o primjeni Zakona o zaštiti nasilja u porodici i nasilja prema ženama u Federaciji BiH.

AD-4.- Razno

4.1. Odluka o godišnjoj ocjeni rada policijskog komesara Uprave policije Ministarstva unutrašnjih poslova Kantona Sarajevo

Zamjenik predsjedavajućeg Esad Solak je članove Nezavisnog odbora upoznao da je Vlada Kantona Sarajevo donijela Odluku broj: 02-04-7346-4/25 od 06.03.2025.godine kojom je policijski komesar Fatmir Hajdarević ocjenjen ocjenom “zadovoljava” za 2024. godinu, te je u ime Nezavisnog odbora čestitao Policijskom komesaru sa željom da mu ocjena bude podstrek u daljem radu.

4.2. Odluka Vrhovnog suda Federacije BiH

Zamjenik predsjedavajućeg Esad Solak je članove Nezavisnog odbora upoznao da je Pravobranilaštvo Kantona Sarajevo Nezavisnom odboru dostavilo Odluku Vrhovnog suda FBiH broj: 65 0 Rs 627379 24 Rev od 21.01.2025.godine, kojom se žalba bivšeg Policijskog komesara Vahida Čosića odbija i prvostepena presuda potvrđuje.



4.3. Razmatranje Mišljenja Ministarstva unutrašnjih poslova Kantona Sarajevo u vezi zahtjeva Almira Pašića.

Članovi Nezavisnog odbora su se složili da navedeno Mišljenje razmatraju na sljedećoj sjednici.

Zamjenik predsjedavajućeg Esad Solak je zaključio je rad 39. sjednice Nezavisnog odbora u 17:24 sati.

Z A P I S N I K

sa 40. sjednice Nezavisnog odbora, održane dana 28.04.2025. godine, sa početkom rada u 17:00 sati, u prostorijama Skupštine Kantona Sarajevo

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Kenan Kapo, Mineta Hrvat, Branislav Bunjevac i Jasmin Idrizović.

Sjednici nije prisustvovao član Nezavisnog odbora Mensud Cibra.

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 39. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec februar 2025.godine;
3. Informacija o aktivnostima Uprave policije MUP-a Kantona Sarajevo za mjesec mart 2025.godine;
4. Informacija o aktivnostima Uprave policije MUP-a Kantona Sarajevo za period januar-mart 2025.godine;
5. Razmatranje Mišljenja Ministarstva unutrašnjih poslova Kantona Sarajevo broj:01-9-02-477/25 od 07.02.2025.godine;
6. Razno.

Članovi Nezavisnog odbora su jednoglasno usvojili Dnevni red (6/6).

Nakon što je konstatovano da je na sjednici prisutno (6/6) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 39. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 39. sjednice Nezavisnog odbora koja je održana 25.03.2025.godine, te je konstatovao da je Zapisnik sa 39. sjednice Nezavisnog odbora jednoglasno usvojen (7/7).

AD-2.- Informacija o aktivnostima Uprave policije MUP-a Kantona Sarajevo za mjesec februar 2025. godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec februar 2025. godine istakao da je u navedenom mjesecu registrovano 240 događaja sa obilježjem krivičnog djela, što je za 22,3 % manje u odnosu na isti mjesec 2024. godine. U februaru 2025. godine, u odnosu na isti period 2024. godine evidentirano je više događaja sa obilježjem krivičnog djela iz oblasti: protiv života i tijela, protiv slobode i prava čovjeka i građanina, protiv spolne slobode i morala, protiv opće sigurnosti ljudi i imovine, dok je evidentirano manje događaja sa obilježjem krivičnog djela: protiv braka, porodice i mladeži (deset manje), protiv zdravlja ljudi (28 manje), protiv imovine, protiv javnog reda i pravnog prometa. Što se tiče događaja sa obilježjem krivičnog djela u kojima su učestvovala maloljetna lica, u mjesecu februaru 2025. godine, u odnosu na isti mjesec prethodne godine povećan je broj događaja u kojima su učestvovala maloljetna lica za deset, kao i broj maloljetnih lica koja su učestvovala u istim. U izvještajnom mjesecu na području Kantona Sarajevo nije bilo evidentiranih događaja aktiviranja minsko-eksplozivnih sredstava, dok je u februaru 2024. godine evidentirano tri događaja. U izvještajnom mjesecu, na području Kantona Sarajevo registrovano je 12 požara, što je za tri više u odnosu na februar 2024. godine. U mjesecu februaru 2025.godine registrovano je jedno samoubistvo, koliko je registrovano i u februaru 2024. godine. Iz oblasti javnog reda i mira evidentirano je 507 prekršaja, što je za 85 više u odnosu na isti mjesec 2024. godine, te je prijavljeno 531 lica, od čega su 186 povratnika u činjenju prekršaja. U februaru 2025. godine, na području Kantona Sarajevo, održano je 166 javnih skupova i u 24 slučaja izvršena su KDZ osiguranja. Na području Kantona Sarajevo u izvještajnom mjesecu, u odnosu na isti mjesec 2024. godine registrovano je više saobraćajnih nezgoda za 40 %. U mjesecu februaru oduzeto je 11 motornih vozila od višestrukih povratnika u činjenju prekršaja iz oblasti ZOOBS-a.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec februar 2025.godine.

AD-3.- Informacija o aktivnostima Uprave policije MUP-a Kantona Sarajevo za mjesec mart 2025. godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec mart 2025. godine istakao da je u navedenom mjesecu registrovano 243 događaja sa obilježjem krivičnog djela, što je za 97 manje u odnosu na isti mjesec 2024. godine. U martu 2025. godine, u odnosu na isti period 2024. godine evidentirano je više događaja sa obilježjem krivičnog djela iz oblasti: protiv života i tijela (dva više), protiv opće sigurnosti ljudi i imovine, dok je evidentirano manje događaja sa obilježjem krivičnog djela: slobode i prava čovjeka i građanina (11 manje), protiv spolne slobode i morala (jedan manje), protiv braka, porodice i mladeži (dva manje), protiv zdravlja ljudi, protiv imovine (za 50 manje), protiv javnog reda i pravnog prometa. Što se tiče događaja sa obilježjem krivičnog djela u kojima su učestvovala maloljetna lica, u mjesecu martu 2025. godine, u odnosu na isti mjesec prethodne godine povećan je broj događaja u kojima su učestvovala maloljetna lica za pet, kao i broj maloljetnih lica koja su učestvovala u istim. U izvještajnom mjesecu na području Kantona Sarajevo evidentiran je isti broj događaja aktiviranja minsko-eksplozivnih sredstava kao u martu 2024. godine. U martu 2025.

godine, na području Kantona Sarajevo registrovano je 22 požara, što je za 12 više u odnosu na mart 2024. godine. U mjesecu martu 2025. godine registrovana su tri samoubistva, dok u istom mjesecu 2024. godine nije bilo registrovanih samoubistava. Iz oblasti javnog reda i mira evidentirano je 562 prekršaja, što je za 103 više u odnosu na isti mjesec 2024. godine, te je prijavljeno 573 lica, od čega su 252 povratnika u činjenju prekršaja. U martu 2025. godine na području Kantona Sarajevo održano je 235 javnih skupova, policijski službenici su proveli planske aktivnosti u cilju bezbjednog održavanja javnih skupova a u 28 slučajeva izvršeno je KDZ osiguranja. Na području Kantona Sarajevo u izvještajnom mjesecu, u odnosu na isti mjesec 2024. godine registrovano je više saobraćajnih nezgoda za 53,6 %. U izvještajnom mjesecu uručeno je 33.340 prekršajnih naloga vozačima. U mjesecu martu 2025. godine od višestrukih povratnika u činjenju prekršaja iz oblasti ZOOBS-a nije bilo oduzetih vozila. Članove Nezavisnog odbora je informisao da je u kući u Općini Ilidža pronađeno beživotno tijelo lica afroazijskog porijekla, te je Kantonalnom tužilaštvu Kantona Sarajevo podnesen službeni izvještaj protiv NN izvršioca zbog postojanja osnova sumnje da je počinjeno krivično djelo ubistvo iz člana 166 KZ FBiH-a. Službenici Uprave policije nastavljaju sa operativnim mjerama i taktičkim radnjama u cilju pronalaska i procesuiranja izvršioca ovog krivičnog djela.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec mart 2025. godine.

AD-4.- Informacija o aktivnostima Uprave policije MUP-a Kantona Sarajevo za period januar - mart 2025. godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za period januar-mart 2025. godine istakao da je u navedenom periodu registrovano 733 događaja sa obilježjem krivičnog djela, što je za 23,8 % manje u odnosu na isti period 2024. godine. U navedenom periodu evidentiran je 51 događaj sa obilježjem krivičnog djela iz oblasti protiv života i tijela, a od toga: pet (5) krivičnih djela ubistvo u pokušaju, jedno krivično djelo ubistvo u pomaganju, deset događaja teška tjelesna ozljeda, 34 događaja lahka tjelesna ozljeda i jedan događaj učestvovanje u tuči. Evidentirano je, u odnosu na isti period 2024. godine, više događaja sa obilježjem krivičnog djela iz oblasti: protiv slobode i prava čovjeka i građanina, protiv javnog reda i pravnog prometa, dok je evidentirano manje događaja sa obilježjem krivičnog djela iz oblasti: protiv spolne slobode i morala, protiv braka, porodice i mladeži, protiv zdravlja ljudi, protiv imovine, protiv opće sigurnosti ljudi i imovine, protiv podmićivanja i krivična djela protiv službene i druge odgovorne funkcije (evidentirana tri događaja). Evidentirano je 12 događaja regulisanih Zakonom o nabavljanju, držanju i nošenju oružja i municije Kantona Sarajevo. Što se tiče događaja sa obilježjem krivičnog djela u kojima su učestvovala maloljetna lica, u periodu januar-mart 2025. godine, u odnosu na isti period prethodne godine povećan je broj događaja u kojima su učestvovala maloljetna lica za pet, kao i broj maloljetnih lica koja su učestvovala u istim. U izvještajnom periodu na području Kantona Sarajevo evidentirana su četiri događaja aktiviranja minsko-eksplozivnih sredstava, dok je u istom periodu 2024. godine evidentirano pet događaja. Na području Kantona Sarajevo registrovano je 45 požara, osam samoubistava. U periodu januar-mart 2025. godine, iz oblasti javnog reda i mira evidentirano je 1.567 prekršaja, što je za 299 više u odnosu na isti period 2024. godine. Na području Kantona Sarajevo održano je ukupno 510 javnih skupova i izvršeno je 84 KDZ odiguranja. U izvještajnom periodu registrovane su 3.082 saobraćajne nezgode, što je za 846 više u odnosu na isti period 2024. godine. Zbog kršenja propisa iz oblasti sigurnosti saobraćaja uručeno je 106.556 prekršajnih naloga, što je za 24.398 više u odnosu na isti period prošle godine. U periodu januar-mart 2025. godine oduzeto je 38 motornih vozila od višestrukih povratnika u činjenju prekršaja iz oblasti ZOOBS-a.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za period januar - mart 2025.godine.

AD-5.-Razmatranje Mišljenja Ministarstva unutrašnjih poslova Kantona Sarajevo broj:01-9-02-477/25 od 07.02.2025. godine

Predsjedavajući Nezavisnog odbora Adis Šečić je članove upoznao sa odgovorom Ministarstva unutrašnjih poslova Kantona Sarajevo, Zakonodavno-pravne komisije Skupštine Kantona Sarajevo, Zaključkom Vlade Kantona Sarajevo u vezi sa zahtjevom Nezavisnog odbora za autentičnim tumačenjem odredbi člana 43. Zakona o unutrašnjim poslovima Kantona Sarajevo. Na kraju uvodnog izlaganja postavio je pitanje policijskom komesaru Fatmiru Hajdareviću da li se išta promijenilo, od 07.02.2025.godine kada je Ministarstvo unutrašnjih poslova dalo mišljenje, u smislu ispunjavanja zakonskih obaveza iz člana 43. navedenog Zakona, odnosno da li je tražio mišljenje od nadležnih u vezi podnošenja izjave o imovinskom tanju.

Policijski komesar je odgovorio da se ništa nije promijenilo. Čekao je da vidi kakvo će mišljenje biti. Tražit će mišljene od Agencije za zaštitu ličnih podataka i postupit će zavisno od odgovora Agencije.

U nastavku su predsjedavajući i članovi Nezavisnog odbora diskutovali o dobijenom mišljenju.

Nakon dostavljenog mišljenja Ministarstva unutrašnjih poslova, Zakonodavno-pravne komisije Skupštine Kantona Sarajevo, Policijski komesar Uprave policije Kantona Sarajevo se izjasnio da će zatražiti mišljenje Agencije za zaštitu ličnih podataka i nakon dobijenog mišljenja dostaviti će odgovor Nezavisnom odboru u vezi postupanja sa članom 43. stav (2) Zakona o unutrašnjim poslovima Kantona Sarajevo.

U vezi sa prethodno navedenim Nezavisni odbor je donio **ZAKLJUČAK**:

“Obavezuje se Policijski komesar Uprave policije Kantona Sarajevo da, nakon što dobije mišljenje Agencije za zaštitu ličnih podataka, dostavi odgovor Nezavisnom odboru Skupštine Kantona Sarajevo”.

AD-6.- Razno

Predsjedavajući Nezavisnog odbora Adis Šečić je članove informisao da Nezavisni odbor nije pripremio i dostavio Skupštini sljedeće izvještaje: Izvještaj o radu Nezavisnog odbora za period januar-juni 2024. godine, Izvještaj o radu policijskog komesara za period juli-septembar i oktobar-decembar 2024. godine.

U nastavku su članovi Nezavisnog odbora diskutovali o budućoj metodologiji izrade Izvještaja o radu Nezavisnog odbora.

Nezavisni odbor je mišljenja da bi trebali postaviti pitanja Policijskom komesaru i na osnovu odgovora i tromjesečnih izvještaja o radu policijskog komesara sačiniti Izvještaj o radu Nezavisnog odbora. Nezavisni odbor mora biti proaktivan u pogledu poboljšavanja sigurnosne situacije u svim oblastima.

Nezavisni odbor smatra da bi se trebao donijeti zaključak kojim bi se Policijskom komesaru dao rok do kojeg mora dostaviti mjesečne, kvartalne, polugodišnje i godišnje informacije o aktivnostima



uprave policije MUP-a KS i kvartalne izvještaje o radu policijskog komesara, tražiti od Policijskog komesara da dostavi Program rad uprave policije za 2025. godinu. Smatramo da je Vlada trebala daonijeti prioritete rada Policijskog komesara.

Predloženo je da se mjesečne informacije o aktivnostima Uprave policije dostave u roku od 15 dana od isteka mjeseca, odnosno 15 dana od isteka kvartala, a izvještaje o radu Policijskog komesara 15 dana od isteka kvartala.

Nezavisni odbor jednoglasno donio (6/6) sljedeće

ZAKLJUČAK 1.

Nezavisni odbor Skupštine Kantona Sarajevo obavezuje Policijskog komesara Uprave policije Ministarstva unutrašnjih poslova Kantona Sarajevo Fatmira Hajdarevića da mjesečne informacije o aktivnostima uprave policije Ministarstva unutrašnjih poslova Kantona Sarajevo dostavi najkasnije u roku od 15 dana nakon isteka mjeseca za koji se dostavlja informacija, a kvartalne informacije 15 dana nakon isteka kvartala. Obavezuje se Policijski komesar da kvartalne izvještaje o radu policijskog komesara dostavi u roku od 15 dana po isteku kvartala za koji se podnosi izvještaj.

ZAKLJUČAK 2

Nezavisni odbor Skupštine Kantona Sarajevo zadužuje Policijskog komesara Uprave policije Ministarstva unutrašnjih poslova Kantona Sarajevo da Nezavisnom odboru dostavi Program rada Uprave policije MUP-a Kantona Sarajevo za 2025. godinu. Program rada je potrebno dostaviti u što kraćem roku, a najkasnije u roku od 15 dana.

Nezavisni odbor je istakao da se mora, osim praćenja realizacije Programa rada, analizirati operativni rad Policijskog komesara, a kako bi se vidjelo da je Nezavisni odbor zainteresovan za rad Policijskog komesara u svim oblastima.

Članovi Nezavisnog odbora su se složili da se izvještaj o radu Nezavisnog odbora treba bazirati na realizaciji Programa rada i Izvještajima o radu Policijskog komesara.

Na kraju sjednice članovi Nezavisnog odbora su se dogovorili da će:

- Izvještaj o radu Nezavisnog odbora za period januar-juni 2024. godine sačiniti Mineta Hrvat;
- Izvještaj o radu Policijskog komesara za period juli-sepremar 2024. godine sačiniti Branislav Bunjevac;
- Izvještaj o radu Policijskog komesara za period oktobar-decembar 2024. godine sačiniti Kapo Kenan i Mensud Cibra.

Predsjedavajući Adis Šečić je zaključio rad 40. sjednice Nezavisnog odbora u 18:00 sati.

ZAPISNIK

sa 41. sjednice Nezavisnog odbora, održane dana 27.05.2025. godine, sa početkom rada u 17:00 sati, u prostorijama Skupštine Kantona Sarajevo

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Kenan Kapo, Mineta Hrvat, Branislav Bunjevac, Mensud Cibra i Jasmin Idrizović.

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 40. sjednice Nezavisnog odbora;
2. Izvještaj o radu Policijskog komesara Uprave policije MUP-a Kantona Sarajevo za period 01. januar – 31.mart 2025.godine;
3. Informacija o aktivnostima Uprave policije MUP-a Kantona Sarajevo za mjesec april 2025.godine;
4. Razno.

Članovi Nezavisnog odbora su jednoglasno usvojili Dnevni red (7/7).

Nakon što je konstatovano da je na sjednici prisutno (7/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

Prije razmatranja materijala koji su na dnevnom redu sjednice članovi Nezavisnog odbora su diskutovali o budućem načinu rada na sjednicama.

Nezavisni odbor smatra da su za pripremu polugodišnjih izvještaja o radu Nezavisnog odbora bitna po dva kvartalna izvještaja o radu Policijskog komesara za svako polugodište. Članovi Nezavisnog odbora će na svakoj sjednici postaviti Policijskom komesaru pitanja o nekoj temi i svi, ukoliko žele, mogu diskutovati. U izvještajima o radu Nezavisnog odbora će biti navedeno da je diskutovano po nekoj temi, a na osnovu izvještaja o radu Policijskog komesara ili o nekoj drugoj aktuelnoj temi. Na osnovu odgovora Policijskog komesara Nezavisni odbor može konstatovati da li je isti postupio u skladu sa svojim nadležnostima. Zapisnici sa sjednica Nezavisnog odbora će ostati isti.

AD-1.- Usvajanje Zapisnika sa 40. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 40. sjednice Nezavisnog odbora koja je održana 28.04.2025.godine, te je konstatovao da je Zapisnik sa 39. sjednice Nezavisnog odbora jednoglasno usvojen (7/7).

U 17:11 sati na sastanak je pristupio Fatmir Hajdarević, policijski komesar



Predsjedavajući Adis Šečić je Policijskog komesara upoznao da, ubuduće, neće izlagati detaljno informacije o aktivnostima Uprave policije MUP-a Kantona Sarajevo, kao ni izvještaje o svom radu koje je već dostavio Nezavisnom odboru, već će samo izlagati dijelove informacija i izvješća za koje smatra da su važne i zaslužuju pažnju Nezavisnog odbora.

AD-2.- Izvještaj o radu Policijskog komesara Uprave policije MUP-a Kantona Sarajevo za period 01. januar – 31.mart 2025. godine;

AD-3.- Informacija o aktivnostima Uprave policije MUP-a Kantona Sarajevo za mjesec april 2025. godine;

Policijski komesar Fatmir Hajdarević je istakao da je u Upravi policije upražnjeno 852 radna mjesta. Imaju problem sa nedostatkom kadra i taj trend se nastavlja. Problem je činovanje u čin stariji narednik. trenutni policijski službenici u činu narednik nemaju uslove za napredovanje, što onemogućava upošljavanje novih policijskih službenika. Na stručnom kolegiju donijeli su odluku da se policijski službenici koji su 2023. godine zasnovali radni odnos unaprijede u čin stariji policajac, a kako bi se oslobodili početni činovi i omogućilo zapošljavanje novih policijskih službenika. U nastavku je govorio o opremi koja je nabavljena u prvom tromjesečju tekuće godine i o opremi koja bi trebala da stigne u roku od dva mjeseca, kao i pokrenutim procedurama nabavki oružja.

Nezavisni odbor je postavio pitanje Policijskom komesaru, s obzirom da nedostaje 852 policijska službenika, kako Uprava policije organizuje rad, kako koordinira na terenu, odnosno kako se snalaze u obavljanju aktivnosti. Kakve su druge aktivnosti i da li ima problema unutar Uprave policije?

Policijski komesar je odgovorio da uvode prekovremeni rad kad se ukaže potreba. U nastavku je govorio o oružanom obračunu migranata u kojem je bilo više povrijeđenih migranata. Razlozi sukoba su trgovine ljudima, otmice zbog otkupnina. Pojedine grupe migranata su brutalne sa vojnim iskustvom i naoružane. Danima su pratili što se dešava i prilikom pretrage uspjeli su privesti dva učesnika, za trećeg imaju identitet, a za četvrtog znaju samo kako ga zovu.

Na pitanje Nezavisnog odbora ko osigurava migrantske kampove, Policijski komesar je odgovorio da iste osigurava Direkcija za koordinaciju policijskih tijela u BiH.

Nakon što je Policijski komesar odgovorio na prethodno postavljeno pitanje Nezavisni odbor je postavio pitanje koja je nadležnost Uprave policije MUP-a KS u vezi sa migrantskim kampovima.

Policijski komesar je odgovorio da Uprava policije u migrantskim kampovima ne obavlja redovne aktivnosti, već dolazi na planske racije i kad ih pozove u asistenciju Direkcija za koordinaciju policijskih tijela u BiH.

Na pitanje Nezavisnog odbora da li se kontrolišu lica koja ulaze u kampove, Policijski komesar je odgovorio dok je Uprava policije MUP KS osiguravala kampove pregledali su lica koja ulaze, a da li se sad to radi nije mu poznato.

Nezavisni odbor je na kraju istakao da je upaljen alarm za sve agencije da moraju nešto poduzeti što se tiče migranata kako ne bi došlo do ubistava.

Policijski komesar smatra da je jedino rješenje da se ulazak u kamp, odnosno izlazak registruju i ukoliko ne dođu do određenog vremena gube status. Mišljenja je da su migranti sve okrutniji.

Nezavisni odbor je postavio pitanje da li se može izmjenama pravilnika o činovanju uraditi nešto kako bi se ubrzao proces činovanja.

Policijski komesar je odgovorio da će Uprava policije ići na prijedlog izmjena Zakona o unutrašnjim poslovima i Zakona o policijskim službenicima. Apsurdno je da oficirski činovi traju dvije godine, a da u činu policajca do starijeg narednika traju četiri godine i izmjenam će ići sa prijedlogom na dvije godine, dok će se predložiti i mogućnost vanrednog unapređenja.

Nezavisni odbor je postavio pitanje da li će ljekarski pregledi policijskih službenika otežati rad Uprave ukoliko isti utvrdi da ne mogu obavljati policijske poslove.

Policijski komesar je odgovorio da su još specijalci ostali da obave ljekarski pregled. Veći broj policijskih službenika će ići na dodatni ljekarski pregled, ali to neće uticati na dosadašnje kapacitete jer većina za koje se utvrdilo da imaju zdravstveni problem ne rade policijske poslove.

Nezavisni odbor je postavio pitanje vezano za zakonsku regulativu uvođenja testera na droge, da li ima problema i kako na terenu funkcioniše testiranje.

Policijski komesar je odgovorio da je problem naplate, a sa samim testiranjem nemaju problem.

Dalje je Nezavisni odbor pitao kakvi su brojčani pokazatelji.

Na postavljeno pitanje Policijski komesar je odgovorio da saobraćajna policija radi. Vidjet će kakva je ekonomska isplativost i ukoliko bude isplativo ići će da svaka policijska stanica nabavi testere.

Nezavisni odbor je postavio pitanje vezano za javni poziv koji je raspisan za eksterni prelazak policijskih službenika.

Policijski komesar je odgovorio da Uprava policije neće dati saglasnost zbog manjka policijskih službenika. Dogovoreno je da se ne ide na eksterni prijem iz drugih kantona.

Nezavisni odbor je primio k znanju:

- Izvještaj o radu Policijskog komesara Uprave policije MUP-a Kantona Sarajevo za period 01. januar – 31.mart 2025. godine;
- Informaciju o aktivnostima Uprave policije MUP-a Kantona Sarajevo za mjesec april 2025. godine.

S obzirom da je Policijski komesar uputio dopis kojim traži da se produži rok za dostavu mjesečnih i kvartalnih informacija i kvartalnih izvještaja, predsjedavajući Adis Šečić je postavio pitanje koji je razlog navedenog zahtjeva.

Policijski komesar je odgovorio da imaju malo ljudi u analitici, a dužni su i Federalnoj upravi policije dostavljati Izvještaj. Dva čovjeka koja rade na tim poslovima ne mogu uraditi Izvještaje u ostavljenom roku, pa je zamolio da rok bude 22. u mjesecu. U nastavku Policijski komesar je informisao da je formirana radna grupa FUP-a, Uprave policije MUP KS, Kantonalnog tužilaštva KS i Sudske policije koja će napraviti plan obuke KDZ Sudske policije.

Zatim je govorio o inicijativi FUP-a da se, na nivou FBiH donesu tri zakona koja bi regulisala nošenje, držanje oružja, javna okupljanja i sprečavanje nasilja na sportskim terenima, te da je ista



odbijena jer FBiH nema ustavnu nadležnost da donese iste. Ideja da se vlasnicima uzima oružje i da se isto obilježava za Upravu policije MUP KS je neprihvatljiva. Uprava policije smatra da se trebaju poštovati procedure, ali nije za ograničenja. Informisao je Nezavisni odbor da je prema Agenciji za zaštitu ličnih podataka uputio dopis vezano za objavu njegovog imovinskog stanja, i čim dobije odgovor dostavit će isto promptno Nezavisnom odboru..

Nezavisni odbor se jednoglasno složio (7/7) da rok za dostavu mjesečnih i kvartalnih informacija, kao i kvartalnih izvještaja bude 20. u mjesecu za prethodni mjesec, odnosno kvartal.

AD-4.- Razno

4.1. Izvještaj o radu Nezavisnog odbora za period januar-juni 2024. godine

Predsjedavajući Nezavisnog odbora Adis Šečić je istakao da je Nezavisni odbor dobro usaglasio u dijelu zaključaka, odnosno Izvještaja o radu Nezavisnog odbora za period januar-juni 2024. godine.

Iz Izvještaja o radu Nezavisnog odbora koji idu na Skupštinu Kantona Sarajevo može se vidjeti čime se Nezavisni odbor bavio, šta se razmatralo, te je neophodno da sadrže suštinu, odnosno sažetak. Izvještaj ne treba da bude napisan opširno kako ne bi opterećivao poslanike.

Nezavisni odbor je jednoglasno donio (7/7) Izvještaj o radu Nezavisnog odbora za period januar-juni 2024. godine.

4.2. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli - septembar 2024. godine

Član Kenan Kapo je ukratko obrazložio kako je pripremio Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli - septembar 2024. godine.

Nezavisni odbor je jednoglasno donio (7/7) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli - septembar 2024. godine.

4.3. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2024. godine

Nezavisni odbor je jednoglasno donio (7/7) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2024. godine.

Članovi Nezavisnog odbora složili su se da:

- Izvještaj o radu policijskog komesara UP MUP-a KS za period januar-mart 2025. godine pripreme Mensud Cibra i Kenan Kapo;*
- Izvještaj o radu Nezavisnog odbora za period juli-decembar 2024. godine pripreme Adis Šečić i Jasmin Idrizović.*

Predsjedavajući Adis Šečić je zaključio rad 41. sjednice Nezavisnog odbora u 18:05 sati.

ZAPISNIK

sa 42. sjednice Nezavisnog odbora, održane dana 30.06.2025. godine, sa početkom rada u 17:00 sati, u prostorijama Skupštine Kantona Sarajevo

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Mineta Hrvat, Mensud Cibra, Branislav Bunjevac i Jasmin Idrizović.

Sjednici nije prisustvovao član Nezavisnog odbora Kenan Kapo (opravdao izostanak).

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 41. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec maj 2025. godine;
3. Razmatranje predstavke građanina Mirela Bičića;
4. Razno.

Članovi Nezavisnog odbora su jednoglasno usvojili Dnevni red (6/6).

Nakon što je konstatovano da je na sjednici prisutno (6/6) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 41. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 41. sjednice Nezavisnog odbora koja je održana 27.05.2025. godine, te je konstatovao da je Zapisnik sa 41. sjednice Nezavisnog odbora jednoglasno usvojen (6/6).

U 17:11 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec maj 2025. godine

Policijski komesar Fatmir Hajdarević je prezentirajući Informaciju o aktivnostima Uprave policije MUP-a Kantona Sarajevo za mjesec maj 2025. godine istakao da je u navedenom mjesecu registrovano 224 događaja sa obilježjem krivičnog djela, što je za 21.1% manje u odnosu na isti mjesec prethodne godine. U mjesec maj tekuće godine evidentirano je manje događaja sa obilježjem krivičnog djela iz oblasti: protiv slobode i prava čovjeka i građanina, protiv zdravlja ljudi, protiv imovine, protiv opće sigurnosti ljudi i imovine, protiv spolne slobode i morala, protiv podmićivanja



i krivična djela protiv službene i druge odgovorne funkcije, dok je evidentirano više događaja sa obilježjem krivičnog djela iz oblasti: protiv života i tijela, protiv braka, porodice i mladeži, protiv javnog reda i pravnog prometa. Policijski komesar je govorio o akcijama koje je Uprava policije poduzimala. U nastavku je Policijski komesar govorio o potrebi izmjena Zakona o policijskim službenicima kako bi se olakšalo unapređenje postojećih policijskih službenika što bi oslobodilo prostor za prijem novih policijskih službenika.

Nezavisni odbor primio je k znanju Informaciju o aktivnostima Uprave policije MUP-a Kantona Sarajevo za mjesec maj 2025. godine.

AD-3.- Razmatranje predstavke građanina Mirela Bičića

Predsjedavajući Nezavisnog odbora Adis Šečić je prisutne informisao da je Nezavisni odbor Parlamentarne skupštine Bosne i Hercegovine dostavio predstavku građanina Mirela Bičića na rad policijskih službenika.

Policijski komesar je u svom izlaganju istakao da navedeni građanin stalno šalje predstavke, jer je nezadovoljan što se građani za vrijeme održavanja sportskih manifestacija parkiraju van područja osiguranja.

AD-4.- Razno

Članovi Nezavisnog odbora složili su se da se Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. januar – 31. mart 2025. godine razmatra na sljedećoj sjednici.

Adis Šečić i Jasmin Idrizović pripremit će Izvještaj o radu Nezavisnog odbora za period juli-decembar 2024. godine, kao i Izvještaj o radu Nezavisnog odbora za period januar-juni 2025. godine.

Mensud Cibra će pripremiti Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period april – juni 2025. godine.

Predsjedavajući Adis Šečić je zaključio rad 42. sjednice Nezavisnog odbora u 17:47 sati.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period januar-juni 2025. godine.

Broj: 01-04-24-1 /26
Sarajevo, 17.02.2026. godine



**PREDSEDavajući
NEZAVISNOG ODBORA**



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba